

豫章叢書

第二五冊

日涉園集卷八

宋 李彭 撰

七言律詩

觀畫山水

不愛邊鸞愛李成
胸中成畫自崢嶸
數行島嶼隨人去
一段風煙向腕生
猿啼巫峽殷勤嘯
雁到衡陽嘹唳鳴
我與羣山成保社
直疑俱是舊經行

遠明閣飲

百尺遊絲入座來
浮嵐空翠落樽罍
談諧自得江山助
觴詠不勞絃管催
滕閣風流今未遠
南樓氣味喚

仍回城鴉欲曙衆客醉木末闌干懸斗魁

城上

城上樓烏尾畢逋寒塘烏影過相呼一天欲放山陰
雪六幅如觀栗里圖問老自應師粲忍扶衰初喜得
封胡香醪已熟糟床注喚客無勞滿眼酤

宿萬松兼示慶首座

步屨欣逢釋梵宮餘霞尙帶日歸紅峰前晚靄晚來
積岫外秋天秋滿空獨鳥深藏欹牖樹幽花香逐下
山風青燈耿耿照無睡賴有能詩老贊公

鄒天錫見過

議郎梁獄坐口語置散投閑今放回令節由來迫吹
帽幽園尋勝獨登臺共歌昭代得銀甕何暇著書名
玉杯此口惟堪飲醇酎人間萬事要寒灰

次駒父遊孺子亭韻

平居懶與慢相親寄傲行歌似隱淪水退荷花錢殘
暑秋來山色挽幽人從雌鵝鵲窺黃帽旁母鳬雛映
白蘋興罷歸來却高臥詩成聊復寄雷陳

余久不飲酒偶飲殊適因和九弟韻

年侵畏病酒尊空矧復聽歌盛小叢煙際鳥呼雲際
雨花邊蝶舞柳邊風向來懷抱愁眉外今日懽娛醉

眼中何用花奴鳴羯鼓新詩解穢思無窮

遊雲居三首

山林投老更踈慵尚有躋攀興不窮絕壑久忘蛇起
陸寒窗聊看雁來紅人方嵇阮似無愧詩並陰何或
未工永夜不眠茶作祟一燈明暗鳥呼風

雲居稱有雁來紅

故歲新芽約略黃重來敗葉帶飛霜尋幽少脫塵勞
夢訪舊頗薰知見香深谷鳴鐘雲黯淡半峰斜照樹
微茫去天尺五今應是璧月珠星挂上方

羣峰羅立紫崔嵬無復市聲蚊聚雷遠嶠雲屯飛鳥
沒寒江煙斂健帆開暖眠犢子陽關草香逐蜂鬚陰

谷梅散策捫蘿覓歸路摩挲蒼石更裴回

次韻答董彥超

疎山翠氣連眉嫵雲外飛鴻點點愁只在吳頭并楚尾
非關張掖至幽州著書繁露想成癖待詔公車安足求
何日芒屨尋舊約蘭旌蓀楫共優游

過河湖懷帥川

寶峯嶄巖青未了枕下灘聲走白沙谷口不應無小
隱桃源真恐有人家寒猿飲水避帆影槁葉隨波上
槩牙苦憶南州徐孺子歸舟天際暮雲遮

春夜奉懷蘇仲豫次陳無已韻贈仲豫

雲外頭陀是去年已看汀草漲晴川夢中未覺關河
遠枕底忽聞鐘鼓傳但可馬曹聊拄頰看渠鳳閣競
加鞭蓬窓想得司春張一夜糟牀酒注泉

春日懷秦髻

山雨蕭蕭作快晴郊園物物近清明花如解語迎人
笑草不知名隨意生晚節漸於春事懶病軀却怕酒
壺傾睡餘苦憶舊交友應在日邊聽曉鶯

季敵檢校南村田

風吹穠稂半傳黃準擬中厨雲子香潮水忽生添野
水山光便可接湖光難求城外漁霞侶未試囊中辟

穀方徑造阿連聊檢校飢雷已復殷枯腸

自豫章歸書齋題壁

烏烏聲樂客還家僮僕歡迎日未斜小徑潛筠新長
筍幽齋茂樹晚多花深慚麴蘖留春住尙覺年顏去
老賒出處由來非細事弄泉莫忘飽煙霞

泮宮曝書恭覽御書故事行鄉飲酒禮諸老率
諸生皆在楊先生病足獨不至賦詩見寄次韻
答之

雲漢昭回泮水邊諸生拜舞鱣堂前老翁七十荷衣
綠弟子三千桂魄圓樂正足傷何必慮伏生口授尙

能傳墨池載酒容他日門外侯芭也可憐

寒食日

幽人衣帶病餘寬終日蕭然懶正冠
柳絮野鶯春向晚榆羹杏粥食猶寒
倦于杯酌生新興頻有鄰儀救老殘
試把一尊招近友放歌聊復罄交歡

李成德求廼翁挽詩

養疴丘壑玩寒藤領略鷄園最上乘
射虎已驚生李廣登龍行復見元膺
九原烟雨悲埋玉一代功名定伐冰
安得董狐南史筆發揚潛德到雲仍

次居仁見寄韵

居仁見督參雪竇下禪

長蘆老人半聖號眉毛不惜爲談空靜委耽禪如縛
律懸知選佛勝封公影沈寒水雁無意春入幽園花
自紅欲向池陽參百問却慙勾賊亂一作破家風

寄如璧上人

平生剛直隱長虹收卷波瀾說一作入苦空翰墨場中
無李廣苾芻園裏有支公未應雪浪侵頭白想見丹
砂入頰紅驪馬他年焚諫草看君妙手試宗風

次韻寄居仁二弟

隆禮
敦智

老覺餘生如過鳥何曾留迹寄長空一丘一壑應還
我三沐三熏盡付公病懶自知玄尙白醉餘貪看碧

成紅荀家兄弟俱奇絕時聽淮南好國風

次韻寄山伯肅老二弟

山伯惠瘞
鶴銘善本

平原翁仲草蒙茸種竹當年語竟空羣從嗟予真漫
叟象賢期汝繼汧公別來江草喚愁碧書到山陰稱
意紅瘞鶴銀鈎光照坐行書正欲乞楊風兄雅嗜楊
少師恐弟
輩有之故
見於末句

卜居

有宅一區聊解嘲清風歷歷自鳴瓢買山作隱吾無
取爲黍殺鷄何用招魚托么荷障斜日鐸隨新竹上
層霄箇中已了一生事倒屣安能求度遼

寄劉壯輿將赴唐州儀曹

五柳先生同舊科，壺觴終日眎庭柯。一行作吏事皆廢，三徑就荒君若何。問字有誰堪載酒，談經許我或操戈。平生獨自賞音者，聽此殷勤勞者歌。

奉贈瑛明發

上人霜鵲氣橫秋，法界重重幻筆頭。已泛崑廬眞覺海，戲裁佳句比湯休。雲開鶴嶺露蘭若，波起洞庭霜橘洲。華髮蕭搔瀕老境，多情猿鳥替人愁。

駒父次予舊韻見貽復次韻

玉人皮裏有陽秋，句入丹青願虎頭。磨倒何勞譏陸

陸老衰得懶欲休休支牀夢破嚴城角決瞥風回落
雁洲遣興竟須桑落酒談閒莫著畔牢愁

用韻戲呈仲誠

蒲菊政復得涼州底事微官章水頭早歲已能交北
海高懷乃肯顧韓休手妙他時掃銀夏留蟠佳處協
滄洲誰言京兆畫眉嫵後院懸知多莫愁

寄何斯舉

傳詩句句爛生光妙手殷紅入象牀本是奉常參定
脉是從僂耳悟神方玉花自合歸天廐黃鸝應須下
建章見說年來真欲隱轉身一路直須強

寄張聖源

豪氣向來回萬牛，筆端浚浚楚江流。
拾遺已見傳三賦，平子不應吟四愁。
柱後許時淹闊步，石渠看卽副旁求。
老夫病著蒼崖底，細和堯民擊壤謳。

還家寄吳世長兼簡潘子真

江頭楊柳翹塵姿，弄日晴空百尺絲。
騎省風流還有賦，吳筠英妙更能詩。
殺鷄爲黍相期處，問雁呼卿政此時。
下榻深慙徐孺子，非關勞者作歌辭。

贈希廣禪師 一作九峯長老

已透雲菴向上關，蔬盂茗碗每開顏。
頭顱無意掃殘

雪纔衲從來著壞山瘦節直疑青嶂立道心常與白
鷗閑歸來天末一回首應在孤峯烟靄間

次韻答寶峯仁書記

袖手脫鞵悲太白褰旗縛敵笑光顏自知日面與月
面莫問南山與北山獨秀峯前雲不隔蓮花洲下水
長閑還鄉一曲真奇絕與子終朝談笑間

寄撫州謝幼槃

別去鷓鴣思日寒書來鴈鴒語林端我懷求仲徑方
掃君向山陰興已闌細讀清詩如艷雪何時痛飲劇
奔湍懸知作草非賣菜要自心期禮數寬

賦高明大使神功妙濟真君祠

楊柳江頭星宿疎呼船稍子散林鳥煙橫雲捲樹出
沒天澹波平山有無稚子總參三洞錄病軀長佩五
靈符步虛聲裏瞻風馬頗覺神清到藥珠

代虛中作

曉悟無生貝葉經起宗真喜得人英風流定自壓全
楚文物由來繼兩京謝傅平生處華屋滕公俄忽掩
佳城哀榮贈典他年在翁仲何知淚滿纓

聽王散人琴

花邊猶舞舊時蝶屋角還鳴他日禽但訝鏡中顏色

改詎知門外歲華侵一杯相屬步兵酒三疊共聽中
散琴有慨余懷聊復寫雨餘汀草自青深

南至

鄰鷄戒曉暮鐘催老境俱從裏許來但喜書雲占嗣
歲詎知緼室暗飛灰和風欲上千門柳協氣先傳五
嶺梅弟勸兄酬真樂事燈前細酌莫停杯

葺茅屋戲成

朔風卷我屋間茅烏鵲銜將去作巢執朴鳩工課收
客巡簷長嘯望江郊謝公五畝自能保揚子一區聊
解嘲欲學參謀懷廣廈苦無鳳背續絃膠